



**ქალაქ თბილისის მუნიციპალიტეტის საკრებულოს
იურიდიულ საკითხთა და ადამიანის უფლებათა დაცვის კომისიის
სხდომის ოქმი**

N6

(გაერთიანებული - ქალაქ თბილისის მუნიციპალიტეტის საკრებულოს 10 კომისიასთან)

2025 წელი; 22 დეკემბერი; 14:00 სთ;

ქ. თბილისი
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ნინო ვარდოსანიძე (თავმჯდომარე)

ცოტნე ჩიქვინიძე

ნიკოლოზ კახეთელიძე

ავთანდილ ცინცაძე

კახაბერ ლაბუჩიძე

ალექსანდრე ასათიანი

გიორგი გვენეტაძე

მოწვეული პირები:

1. გაიოზ თალაკვაძე - ქალაქ თბილისის მუნიციპალიტეტის მერიის საფინანსო საქალაქო სამსახურის უფროსი;

2. ლევან მიქავა - ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე.

სხდომის თავმჯდომარე:

ნინო ვარდოსანიძე

**იურიდიულ საკითხთა და ადამიანის უფლებათა დაცვის
კომისიის თავმჯდომარე**



დღის წესრიგი

1. „ქალაქ თბილისის მუნიციპალიტეტის 2026 წლის ბიუჯეტის დამტკიცების შესახებ“
ქალაქ თბილისის მუნიციპალიტეტის საკრებულოს დადგენილების პროექტი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.



მოისმინეს:

1. გაიოზ თალაკვაძემ კომისიათა გაერთიანებულ სხდომაზე დამსწრე წევრებს გააცნო სხდომის დღის წესრიგით განსაზღვრული, „ქალაქ თბილისის მუნიციპალიტეტის 2026 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

მომხსენებელმა კომისიის წევრებს აცნობა, რომ წარმოდგენილი ქალაქ თბილისის მუნიციპალიტეტის 2026 წლის ბიუჯეტის პროექტის მოცულობა განისაზღვრება 2 193 388,7 ათასი ლარით, რაც 2025 წლის დამტკიცებულ ბიუჯეტთან (1 983 178,0 ათასი ლარი) მიმართებით გაზრდილია 210 210,7 ათასი ლარით, ხოლო 2026 წლის პირველად წარდგენილ ბიუჯეტის პროექტთან (2 082 482,2 ათასი ლარი) შედარებით გაზრდილია 110 906,5 ათასი ლარით და ითვალისწინებს შემდეგი ძირითადი პრიორიტეტების დაფინანსებას:

- სატრანსპორტო ინფრასტრუქტურის მშენებლობა-აღდგენა - 696 339,7 ათასი ლარი;
- ეკოლოგიური მდგომარეობის შენარჩუნება და გაუმჯობესება - 314 760,6 ათასი ლარი;
- ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება/ჩანაცვლება - 305 931,3 ათასი ლარი;
- განათლება - 303 331,6 ათასი ლარი;
- ქ. თბილისის წარმომადგენლობითი და აღმასრულებელი ორგანოები - 258 546,9 ათასი ლარი;
- ჯანმრთელობის დაცვა და სოციალური უზრუნველყოფა - 185 152,3 ათასი ლარი, ჯანმრთელობის დაცვის მიმართულებით 44 329,3 ათასი ლარი იქნება გამოყოფილი, ხოლო სოციალური დაცვის მიმართულებით კი 140 823,0 ათასი ლარი;
- ბინათმესაკუთრეთა ამხანაგობების განვითარება - 62 491,3 ათასი ლარი;
- კულტურა, სპორტი და ახალგაზრდობა - 50 558,8 ათასი ლარი;
- საზოგადოებრივი წესრიგი და უსაფრთხოება - 13 196,7 ათასი ლარი;
- ეკონომიკის განვითარების ხელშეწყობა - 3 079,5 ათასი ლარი.

გაიოზ თალაკვაძემ კომისიის წევრებს გააცნო 2026 წლის ბიუჯეტის პროექტით წარმოდგენილი, დედაქალაქის მასშტაბით განსახორციელებელი ფინანსური გადაწყვეტები, რომლებიც შედარებულ იქნა ქალაქ თბილისის მუნიციპალიტეტის 2025 წლის დამტკიცებული ბიუჯეტის მონაცემებთან, შემდეგი სახით:

ქალაქ თბილისის მუნიციპალიტეტის 2026 წლის ბიუჯეტის შემოსავლების საპროგნოზო მაჩვენებელი განისაზღვრა 2 123 388,7 ათასი ლარის ოდენობით, რაც 2025 წლის დამტკიცებულ მაჩვენებელთან (1 903 178,0 ათასი ლარი) შედარებით გაზრდილია 220 210,7 ათასი ლარით, ხოლო ბიუჯეტის პროექტის პირველ ვერსიასთან (2 012 482,2 ათასი ლარი) შედარებით გაზრდილია 110 906,5 ათასი ლარით. მათ შორის:

- გადასახადები 1 022 413,6 ათასი ლარი, რაც 2025 წლის დამტკიცებულ მაჩვენებელთან (987 349,2 ათასი ლარი) მიმართებით გაზრდილია 35 064,4 ათასი ლარით, ხოლო პირველად წარდგენილ პროექტთან მიმართებით გაზრდილია 5 138,6 ათასი ლარით. მათ შორის:



ქონების გადასახადიდან მისაღები შემოსავალი შეადგენს 350 000,0 ათას ლარს, რაც 2025 წლის დამტკიცებულ მაჩვენებელთან (320 000,0 ათასი ლარი) შედარებით გაზრდილია 30 000,0 ათასი ლარით, ხოლო პირველად წარდგენილ პროექტთან მიმართებით უცვლელია. მათ შორის:

- საწარმოთა ქონებაზე გადასახადი - 282 000,0 ათასი ლარი;
- ფიზიკურ პირთა ქონებაზე გადასახადი - 48 000,0 ათასი ლარი;
- მიწაზე ქონების გადასახადი - 20 000,0 ათასი ლარი.

დამატებული ღირებულების გადასახადიდან მისაღები შემოსავალი შეადგენს 672 413,6 ათას ლარს, რაც 2025 წლის დამტკიცებულ მაჩვენებელთან (667 349,2 ათასი ლარი) შედარებით გაზრდილია 5 064,4 ათასი ლარით, ხოლო პირველად წარდგენილ პროექტთან მიმართებით - 5 138,6 ათასი ლარით.

- გრანტები 660,436.1 ათასი ლარი, რაც 2025 წლის დამტკიცებულ მაჩვენებელთან (594 174,6 ათასი ლარი) მიმართებით გაზრდილია 66 261,5 ათასი ლარით (ძირითადად კაპიტალური სპეციალური ტრანსფერის ხარჯზე), ხოლო პირველად წარდგენილ პროექტთან მიმართებით - 52 767,9 ათასი ლარით). მათ შორის:

მიზნობრივი ტრანსფერი - 4,551.1 ათასი ლარი, მათ შორის 4,067.9 ათასი ლარი პერსონალური ასისტენტის მომსახურებით უზრუნველყოფისათვის დელეგირებული უფლებამოსილების განსახორციელებლად (საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს წერილი (MOH 3 25 00941831);

სახელმწიფო ბიუჯეტიდან მისაღები სპეციალური ტრანსფერი - 50 000,0 ათასი ლარი (მათ შორის რუსთაველის გამზირის რეაბილიტაცია; მიწისქვეშა ნაგავშემკრები კონტეინერების შეძენა, სამგორი-ვაზისუბნის საბაგირო გზის მშენებლობა).

- სხვა შემოსავლები 440 539,0 ათასი ლარი, რაც 2025 წლის დამტკიცებულ მაჩვენებელთან (321 654,2 ათასი ლარი) მიმართებით გაზრდილია 118 884,8 ათასი ლარით (ძირითადად პროცენტები, სანებართვო მოსაკრებელი, სანქციები (ჯარიმები და საურავები), მოსაკრებელი დასახლებული ტერიტორიის დასუფთავებისათვის, ტრანსფერები, რომელიც სხვაგან არ არის კლასიფიცირებული (სხვა შემოსავლები)), ხოლო პირველად წარდგენილ პროექტთან მიმართებით გაზრდილია - 53 000,0 ათასი ლარით. მათ შორის:

- შემოსავალი საკუთრებიდან - 5 000,0 ათასი ლარით;
- ადგილობრივი სანებართვო მოსაკრებელი - 5 000,0 ათასი ლარით;
- მოსაკრებელი დასახლებული ტერიტორიის დასუფთავებისათვის - 12 000,0 ათასი ლარით;
- სანქციები (ჯარიმები და საურავები) - 12 000,0 ათასი ლარით;
- ტრანსფერები, რომელიც სხვაგან არ არის კლასიფიცირებული (სხვა შემოსავლები) - 19 000,0 ათასი ლარით.

ქალაქ თბილისის მუნიციპალიტეტის 2026 წლის ბიუჯეტის გადასახდელები შეადგენს 2 193 388,7 ათას ლარს. მათ შორის:



ხარჯების მუხლი განსაზღვრულია 1 794 337,1 ათასი ლარით, მათ შორის: შრომის ანაზღაურება 169 784,1 ათასი ლარით, საქონელი და მომსახურების მუხლით გათვალისწინებულია 222 004,7 ათასი ლარი, პროცენტი 43 875,3 ათასი ლარი, სუბსიდიები 924 112,0 ათასი ლარი, გრანტები 1 492,9 ათასი ლარი, სოციალური უზრუნველყოფა 172 970,4 ათასი ლარი, სხვა ხარჯები 260 097,7 ათასი ლარით.

არაფინანსური აქტივების ცვლილება შეადგენს - 291 480,7 ათას ლარს, მათ შორის:

- არაფინანსური აქტივების ზრდა - 361 480,7 ათასი ლარი;
- არაფინანსური აქტივების კლება - 70 000,0 ათასი ლარი (მათ შორის საცხოვრებელი სახლების ფართის გაყიდვიდან - 30 000,0 ათასი ლარი).

2026 წლისათვის ვალდებულებების ცვლილება განისაზღვრა 37 570,9 ათასი ლარით, რომელიც მთლიანად ვალდებულებების კლებას შეადგენს, ხოლო ბიუჯეტის მთლიანი სალდო 37 570,9 ათასი ლარით, რაც ნიშნავს, რომ ქალაქ თბილისის მუნიციპალიტეტის 2026 წლის ბიუჯეტის პროექტი არის პროფიციტური.

გაიოზ თალაკვაძემ ყურადღება გაამახვილა ასევე ქალაქ თბილისის მუნიციპალიტეტის 2026 წლის ბიუჯეტის ათი ძირითადი პრიორიტეტის შესაბამისად გადანაწილებულ ასიგნებებზე და აღნიშნა, რომ:

- **სატრანსპორტო ინფრასტრუქტურის მშენებლობა-აღდგენა განისაზღვრა 696 339,7 ათასი ლარით, რაც 2025 წლის დამტკიცებულ ბიუჯეტთან (685 915,7 ათასი ლარი) შედარებით გაზრდილია 10 424,0 ათასი ლარით, ხოლო პირველ წარდგენილ პროექტთან (656 339,7 ათასი ლარი) მიმართებით - 40 000,0 ათასი ლარით მეტია.** მათ შორის გზების მშენებლობა და აღდგენა ქვეპროგრამის ასიგნებები - 30 000,0 ათასი ლარით (რუსთაველის გამზირის რეაბილიტაციის მიზნით), ხოლო ემატება ახალი ქვეპროგრამები - სამგორი-ვაზისუბნის საბაგიროს გზის მშენებლობა (კოდი 01 02 06) - 10 000,0 ათასი ლარის ოდენობით და ტრამვაის ხაზის მშენებლობა (კოდი 01 02 07) - 30 000,0 ათასი ლარის ოდენობით.
- **ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება/ჩანაცვლება - 305 931,3 ათასი ლარით, რაც 2025 წლის დამტკიცებულ ბიუჯეტთან (246 495,3 ათასი ლარი) შედარებით გაზრდილია 59 436,0 ათასი ლარით, ხოლო პირველ წარდგენილ პროექტთან (278 531,3 ათასი ლარი) მიმართებით - 27 400,0 ათასი ლარით მეტია.** მათ შორის: სადგურის მოედნისა და დადიანის ქუჩის დამაკავშირებელი საავტომობილო ხიდის პროექტირებისა და მშენებლობის (კოდი 02 01 02) ქვეპროგრამის ასიგნებები - 10 000,0 ათასი ლარი; კეთილმოწყობის ღონისძიებები გლდანის რაიონში (კოდი 02 09 10) ქვეპროგრამის ასიგნებები - 3 400,0 ათასი ლარი (მუხიანი - 2 სანიაღვრე კოლექტორის მოწყობის მიზნით, მრავალწლიანი ხელშეკრულება), ქალაქის განვითარების ხელშეწყობა (კოდი 02 10) პროგრამის ასიგნებები - 14 000,0 ათასი ლარი (მათ შორის ნარიყალას რეაბილიტაციის (მეორე ეტაპი) - 11 000,0 ათასი ლარი, ნარიყალას, სიონის და მამა დავითის ტაძრების გადახურვისთვის - 3 000,0 ათასი ლარი);



- ეკოლოგიური მდგომარეობის შენარჩუნება და გაუმჯობესება - 314 760,6 ათასი ლარით, რაც 2025 წლის დამტკიცებულ ბიუჯეტთან (263 120,9 ათასი ლარი) შედარებით გაზრდილია 51 639,7 ათასი ლარით, ხოლო პირველ წარდგენილ პროექტთან (292 760,6 ათასი ლარი) მიმართებით - 22 000,0 ათასი ლარით მეტია. იზრდება დასუფთავების ღონისძიებების (კოდი 03 02) პროგრამის ასიგნებები - 22 000,0 ათასი ლარით (მათ შორის რუსთაველის გამზირზე ნაგავშემკრები კონტეინერების (მიწისქვეშა) შეძენა - 10 000,0 ათასი ლარი, სპეცტექნიკის (15 ერთეული) შეძენა - 12 000,0 ათასი ლარი);
- ეკონომიკის განვითარების ხელშეწყობა - 3 079,5 ათასი ლარით, რაც პირველ წარდგენილ პროექტთან მიმართებით უცვლელია;
- ბინათმესაკუთრეთა ამხანაგობების განვითარება განსაზღვრულია 62 491,3 ათასი ლარით, რაც 2025 წლის დამტკიცებულ ბიუჯეტთან (47 491,3 ათასი ლარი) და პირველ წარდგენილ პროექტთან (47 491,3 ათასი ლარი) მიმართებით - 15 000,0 ათასი ლარით მეტია. პრიორიტეტის ფარგლებში ძირითადად იზრდება ლიფტების რეაბილიტაციის მიზნით ასიგნებები, მათ შორის: (გლდანი - 2 590,0 ათასი ლარი, ნაძალადევი - 2 325,0 ათასი ლარი, დიდუბე - 1 877,0 ათასი ლარი, ჩუღურეთი - 440,0 ათასი ლარი, ვაკე - 1 575,0 ათასი ლარი, საბურთალო - 2 075,0 ათასი ლარი, ისანი - 1 182,0 ათასი ლარი, სამგორი - 2 500,0 ათასი ლარი, კრწანისი - 293,0 ათასი ლარი, მთაწმინდა - 143,0 ათასი ლარი);
- ჯანმრთელობის დაცვა და სოციალური უზრუნველყოფა განსაზღვრულია 185 152,3 ათასი ლარით, რაც 2025 წლის დამტკიცებულ ბიუჯეტთან (165 575,2 ათასი ლარი) შედარებით გაზრდილია 19 577,1 ათასი ლარით, ხოლო პირველ წარდგენილ პროექტთან (182 384,4 ათასი ლარი) მიმართებით - 2 767,9 ათასი ლარით მეტია. იზრდება პერსონალური ასისტენტის მომსახურებით უზრუნველყოფის (კოდი 06 02 27) ქვეპროგრამის ასიგნებები დელეგირებული უფლებამოსილების განსახორციელებლად (საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს წერილი (MOH 3 25 00941831);
- განათლება დაიგეგმა - 303 331,6 ათასი ლარით, რაც 2025 წლის დამტკიცებულ ბიუჯეტთან (261 539,9 ათასი ლარი) შედარებით გაზრდილია 41 791,7 ათასი ლარით, ხოლო პირველ წარდგენილ პროექტთან (300 602,4 ათასი ლარი) მიმართებით 2 729,2 ათასი ლარით მეტია. იზრდება სკოლამდელი აღზრდის დაწესებულებების ხელშეწყობა (კოდი 07 01 02) ქვეპროგრამის ასიგნებები 3 600,0 ათასი ლარით (სხვა ინფრასტრუქტურული პროექტები (ფორსმაჟორის და ავტორიზაციის ხარჯები), თბილისის საჯარო სკოლების მცირე ინფრასტრუქტურული სამუშაოები (კოდი 07 02 06) ქვეპროგრამის ასიგნებები 110,0 ათასი ლარით, იურიდიული კლინიკა (კოდი 07 05 02) ქვეპროგრამის ასიგნებები - 19,2 ათასი ლარით, ხოლო მცირდება საზოგადოებისათვის მნიშვნელოვანი ინფორმაციის გავრცელება (კოდი 07 02 04) - ქვეპროგრამის ასიგნებები - 1 000,0 ლარით;



- კულტურა, სპორტი და ახალგაზრდობა - 50 558,8 ათასი ლარით, რაც 2025 წლის დამტკიცებულ ბიუჯეტთან (39 294,0 ათასი ლარი) შედარებით გაზრდილია 11 264,8 ათასი ლარით, ხოლო პირველ წარდგენილ პროექტთან (50 558,8 ათასი ლარი) მიმართებით უცვლელია. აღსანიშნავია, რომ პრიორიტეტის ფარგლებში შიდა გადანაწილების ხარჯზე იზრდება თბილისის სპორტისა და ახალგაზრდობის ცენტრების ხელშეწყობის (კოდი 08 08 02) ქვეპროგრამის ასიგნება - 1 828,2 ათასი ლარით (მრავალწლიანი ხელშეკრულების შესაბამისად ვერის ჩოგბურთის კორტების და ადმინისტრაციული შენობის რეაბილიტაციის მიზნით), დიდმის მასივში, მე-3 კვარტალში მრავალფუნქციური სპორტული კომპლექსის მშენებლობა (კოდი 08 06 09) ქვეპროგრამის ასიგნების შემცირების ხარჯზე;
- საზოგადოებრივი წესრიგი და უსაფრთხოება - 13 196,7 ათასი ლარით, რაც 2025 წლის დამტკიცებულ ბიუჯეტთან (15 779,2 ათასი ლარი) შედარებით შემცირებულია 2 582,5 ათასი ლარით, ხოლო პირველ წარდგენილ პროექტთან (13 196,7 ათასი ლარი) მიმართებით უცვლელია;
- ქ. თბილისის წარმომადგენლობითი და აღმასრულებელი ორგანოები - 258 546,9 ათასი ლარით, რაც 2025 წლის დამტკიცებულ ბიუჯეტთან (254 887,0 ათასი ლარი) შედარებით გაზრდილია 3 659,9 ათასი ლარით, ხოლო პირველ წარდგენილ პროექტთან (257 537,5 ათასი ლარი) მიმართებით 1 009,4 ათასი ლარით მეტია, რაც მიიმართება ქალაქ თბილისის მუნიციპალიტეტის მერიის სტრუქტურულ ერთეულებსა და რაიონის გამგეობებში შრომის ანაზღაურებასთან დაკავშირებით, გაზრდილი ფინანსური რესურსის დასაბალანსებლად. გარდა ამისა, პრიორიტეტის ფარგლებში შიდა გადანაწილების ხარჯზე იზრდება მერიის ადმინისტრაცია (კოდი 02 10 01) - 657,5 ათასი ლარით, საფინანსო საქალაქო სამსახური (კოდი 10 03) - 145,5 ათასი ლარით, ეკონომიკური განვითარების საქალაქო სამსახური (კოდი 10 04) - 309,9 ათასი ლარით, მუნიციპალური შესყიდვების საქალაქო სამსახური (კოდი 10 06) - 110,4 ათასი ლარით, მუნიციპალური ინსპექცია (კოდი 10 07) - 635,8 ათასი ლარით, შიდა აუდიტისა და მონიტორინგის საქალაქო სამსახური (კოდი 10 09) - 75,9 ათასი ლარით, ინფრასტრუქტურის განვითარების საქალაქო სამსახური (კოდი 10 10) - 192,6 ათასი ლარით, იურიდიული საქალაქო სამსახური (კოდი 10 12) - 380,9 ათასი ლარით, უსაფრთხოების საქალაქო სამსახური (კოდი 10 13) - 1 802,6 ათასი ლარით, გლდანის რაიონის გამგეობა (კოდი 10 27) - 263,9 ათასი ლარით, ნაძალადევის რაიონის გამგეობა (კოდი 10 28) - 254,4 ათასი ლარით, დიდუბის რაიონის გამგეობა (კოდი 10 29) - 222,8 ათასი ლარით, ჩუღურეთის რაიონის გამგეობა (კოდი 10 30) - 210,8 ათასი ლარით, ვაკის რაიონის გამგეობა (კოდი 10 31) - 263,6 ათასი ლარით, საბურთალოს რაიონის გამგეობა (კოდი 10 32) - 242,3 ათასი ლარით, ისნის რაიონის გამგეობა (კოდი 10 33) - 239,6 ათასი ლარით, სამგორის რაიონის გამგეობა (კოდი 10 34) - 293,0 ათასი ლარით, კრწანისის რაიონის გამგეობა (კოდი 10 35) - 215,7 ათასი ლარით, მთაწმინდის რაიონის გამგეობა (კოდი 10 36) - 259,0 ათასი ლარით, ჯანმრთელობისა და სოციალური მომსახურების საქალაქო სამსახური (კოდი 10 37) - 109,3 ათასი ლარით, კულტურის, განათლების, სპორტისა და ახალგაზრდულ საქმეთა საქალაქო სამსახური (კოდი 10 43) - 210,4 ათასი



ლარით, გარემოს დაცვის საქალაქო სამსახური (კოდი 10 44) – 259,1 ათასი ლარით, ხოლო მცირდება მდგრადი ურბანული მობილობა - გონიერი სატრანსპორტო სისტემა (KfW) (კოდი 10 23) – 1 161,4 ათასი ლარით, თბილისის მეტროს სადგურების სესხის მომსახურება (კოდი 10 25) – 1 300,0 ათასი ლარით, თბილისის ნარჩენების გადამუშავების პროექტის სესხის მომსახურება (კოდი 10 38) – 1 000,0 ათასი ლარით, თბილისის ნარჩენების პოლიგონის გაუმჯობესების სისტემის პროექტის სესხის მომსახურება (კოდი 10 39) – 500,0 ათასი ლარით, თბილისის მეტროს (მოდრავი შემადგენლობის განახლება) მოდერნიზაციის პროექტის სესხის მომსახურება (AIIB) (კოდი 10 41) – 2 250,5 ათასი ლარით, სსიპ ქალაქ თბილისის მუნიციპალიტეტის ტრანსპორტისა და ურბანული განვითარების სააგენტო (კოდი 10 18) - 133,7 ათასი ლარით.

მომხსენებელმა აქვე დასძინა, რომ პირველად პროექტთან შედარებით, **2026 წლის ბიუჯეტის პროექტით განსაზღვრული მომუშავეთა რიცხოვნობა მთლიანობაში იზრდება 15 ერთეულით და განისაზღვრა 4951 ერთეულით.**

როგორც გაიოზ თალაკვაძემ განმარტა, გარდა ზემოაღნიშნულისა, ქალაქ თბილისის მუნიციპალიტეტის 2026 წლის ბიუჯეტის პროექტს თან ერთვის ინფორმაციული ხასიათის დანართები, რომლებიც ასახავს დეტალურ ინფორმაციას განსახორციელებელი პროგრამებისა და ქვეპროგრამების, კაპიტალური პროექტების, ბიუჯეტით გათვალისწინებული პროგრამების/ქვეპროგრამების განმახორციელებელი ორგანიზაციების, ქალაქ თბილისის მუნიციპალიტეტის მიერ დაფუძნებული სსიპ-ების, ა(ა)იპ-ების და სამთავრობო სექტორის მიკუთვნებული სახელმწიფო საწარმოების ბიუჯეტების, ასევე ქალაქ თბილისის მუნიციპალიტეტის 2025 წლის ბიუჯეტის 9 თვის შესრულების მიმოხილვის და ქალაქ თბილისის მუნიციპალიტეტის 2026-2029 წლების პრიორიტეტების შესახებ. ამასთანავე, მომხსენებელმა აქვე დასძინა, რომ ქალაქ თბილისის მუნიციპალიტეტის 2026 წლის ბიუჯეტის პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში ქალისა და მამაკაცის თანასწორობის ასპექტების ჩართვას.

მომხსენების მიწურულს, გაიოზ თალაკვაძემ დამატებით აღნიშნა, რომ წარმოდგენილი დადგენილების პროექტი ასახავს ბავშვთა უფლებების შესახებ არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს, შესაბამისი პასუხისმგებელი საბიუჯეტო ორგანიზაციის პროგრამულ კოდში და აქვე დასძინა, რომ დადგენილების პროექტის მიღება გამოიწვევს **„ქალაქ თბილისის მუნიციპალიტეტის 2025 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2024 წლის 24 დეკემბრის №49-97 დადგენილების ძალადაკარგულად გამოცხადებას.**

აზრი გამოთქვას:

კომისიათა გაერთიანებულ სხდომაზე დამსწრე წევრებმა დაინტერესება გამოხატეს საჯარო სკოლების ინფრასტრუქტურული სამუშაოების, რუსთაველის გამზირის რეაბილიტაციისა და ვაკის პარკის სარეაბილიტაციო სამუშაოების საკითხებთან დაკავშირებით.



გაიოზ თალაკვაძემ დასმულ შეკითხვებს ამომწურავი პასუხები გასცა.

იურიდიულ საკითხთა და ადამიანის უფლებათა დაცვის კომისიის წევრმა გიორგი გვენეტაძემ საკუთარი ხედვა წარმოადგინა მუნიციპალიტეტის ბიუჯეტის ფორმირებასთან დაკავშირებით.

გადაწყვეტეს:

დადგენილების პროექტთან დაკავშირებით, ხმის მიცემისაგან თავი შეიკავა უფრაქციო წევრმა გიორგი გვენეტაძემ.

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე დანარჩენმა წევრებმა ერთხმად დაუჭირეს მხარი წარმოდგენილ პროექტს და მომზადებულად მიიჩნიეს საკრებულოს უახლოეს სხდომაზე განსახილველად.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდგომ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ნ. ჯარდოსანიძე

ნინო ვარდოსანიძე

სხდომის მდივანი

ნ. ჭანელიშვილი

ნინო დანელიშვილი